

Ընդունված է

Արթիկի պետական քոլեջի

Ուսանողական խորհրդի

Ընդհանուր ժողովի թիվ 1 որոշմամբ

Ուխտ – ի նախագահ՝ _____

«09» 07 2021թ.

Հաստատված է՝

Արթիկի պետական քոլեջի

տնօրեն՝ Ա. Գուլիջոյան



«21» 07 2021թ.

ԱՐԹԻԿԻ ՊԵՏԱԿԱՆ ՔՈԼԵՋԻ

ՈՒՍԱՆՈՂԱԿԱՆ ԽՈՐՀՈՒՐԴ

ԿԱՆՈՆԱԴՐՈՒԹՅՈՒՆ

Արթիկ
2021թ.

«ԱՐԹԻԿԻ ՊԵՏԱԿԱՆ ՔՈԼԵՋ» ՊՈԱԿ-Ի ՈՒՍԱՆՈՂԱԿԱՆ ԽՈՐՀՈՒՐԴԻ

ԿԱՆՈՆԱԴՐՈՒԹՅԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. «Արթիկի պետական քոլեջ» ՊՈԱԿ-ի ուսանողական խորհուրդը¹ կամավորության սկզբունքով ձևավորվող, ինքնակառավարվող, ընտրովի, ներկայացուցչական, հասարակական հիմունքներով գործող, ապաքաղաքական և ապակուսակցական ուսանողական մարմին է:
2. Ուսանողական խորհուրդն ստեղծվում է, վերակազմակերպվում է, և նրա գործունեությունը դադարեցվում է «Արթիկի պետական քոլեջ» ՊՈԱԿ-ի² ուսանողների ընդհանուր ժողովի³ որոշմամբ:
3. Ուսանողական խորհուրդը գործում է Հայաստանի Հանրապետության Սահմանադրության, օրենքների, իրավական այլ ակտերի և սույն կանոնադրության հիման վրա:
4. Ուսանողական խորհրդի անվանումն է՝
 - 1) հայերեն՝ Արթիկի պետական քոլեջի ուսանողական խորհուրդ,
 - 2) անգլերեն՝ Student Council of the Artik state college:
5. Ուսանողական խորհուրդը կարող է ունենալ խորհրդանիշ և անհատականացման այլ միջոցներ:
6. Ուսանողական խորհրդի կառուցվածքում կարող են ստեղծվել ստորաբաժանումներ:
7. Ուսանողական խորհրդի գտնվելու վայրն է՝ Հայաստանի Հանրապետություն, 3001, ք.Արթիկ, Տոնականյան 31:

II. ՈՒՍԱՆՈՂԱԿԱՆ ԽՈՐՀՐԴԻ ՆՊԱՏԱԿՆԵՐՆ ՈՒ ԽՆԴԻՐՆԵՐԸ

8. Ուսանողական խորհրդի նպատակներն են՝
 - 1) արտահայտել և պաշտպանել ուսանողների իրավունքներն ու շահերը, աջակցել ուսանողների կարիքների ապահովմանը Քոլեջում,
 - 2) ապահովել ուսանողների մասնակցությունը Քոլեջի կառավարմանը,
 - 3) ապահովել քոլեջում ուսանողական ինքնավարության և ինքնակառավարման գործընթացների ծավալումն ու զարգացումը,
 - 4) նպաստել ուսանողների մտավոր, ստեղծագործական, մշակութային, հոգևոր, ֆիզիկական, ինչպես նաև սոցիալական ակտիվության զարգացմանը,
9. Ուսանողական խորհրդի խնդիրներն են՝
 - 1) ապահովել ուսանողների իրազեկվածությունը Քոլեջում իրենց իրավունքների և պարտականությունների վերաբերյալ,
 - 2) ապահովել ուսանողների իրազեկվածությունը Քոլեջի կառավարման, իրականացվող կրթական գործընթացների վերաբերյալ,
 - 3) մասնակցել Քոլեջում կրթական գործընթացների կազմակերպմանը և վերահսկողությանը,
 - 4) մասնակցել Քոլեջում կրթական գործընթացի արդյունավետության բարձրացմանն ուղղված միջոցառումներին ինչպես նաև նախաձեռնել այդպիսիք,
 - 5) նպաստել ուսանողական առօրյայի, հանգստի և ժամանցի կազմակերպմանը,

¹ Այսուհետ՝ Ուսանողական խորհուրդ:

² Այսուհետ՝ Քոլեջ:

³ Այսուհետ՝ Ընդհանուր ժողով:

- 6) նպաստել ուսանողների ուսման և ժամանցի համար բարենպաստ միջավայրի ապահովմանը,
- 7) իրականացնել կրթական, մշակութային, հոգևոր, բնապահպանական, սպորտային-առողջարական, սոցիալական, բարեգործական ծրագրեր, ինչպես նաև մասնակցել այդպիսի ծրագրերում,
- 8) ապահովել ուսանողների ներգրավվածությունը Քոլեջի կրթական, մշակութային, հոգևոր, բնապահպանական, սպորտային-առողջարական, սոցիալական, բարեգործական միջոցառումներին,
- 9) Քոլեջի ղեկավար մարմիններին ներկայացնել ուսանողների խնդիրները, բողոքները և առաջարկությունները,
- 10) մշակել և Քոլեջի ղեկավար մարմիններին ներկայացնել ուսանողական կյանքին և կրթական գործընթացներին առնչող հարցեր, որոշումների նախագծեր, նպաստել դրանց ընդունմանը և իրականացմանը,
- 11) հաստատել ատրաքին կապեր և գործնական փոխհարաբերություններ ՀՀ և օտարերկրյա ուսանողական, էթնոասարդական, ինչպես նաև կրության, գիտության, մշակույթի, սպորտի ոլորտում գործող կազմակերպությունների հետ,
- 12) ներգրավել ուսանողներին Ուսանողական խորհրդի գործունեությանը,
- 13) սույն կանոնադրության նպատակներից բխող այլ խնդիրներ:

III. ԸՆԴՀԱՆՈՒՐ ԺՈՂՈՎՐ

10. Ընդհանուր ժողովը Քոլեջի ուսանողական բարձրագույն մարմինն է:
11. Ընդհանուր ժողովին կարող է մասնակցել Քոլեջի յուրաքանչյուր ուսանող:
12. Ընդհանուր ժողովը՝
 - 1) ՀՀ օրենսդրությամբ ուսանողներին վերապահված գործունեության ոլորտներին, շրջանակներին, սույն կանոնադրությամբ սահմանված նպատակներին և խնդիրներին համապատասխան՝ սահմանում է Ուսանողական խորհրդի գործունեության հիմնական ուղղությունները,
 - 2) լսում է Ուսանողական խորհրդի և ստորաբաժանումների հաշվետվությունները, գնահատում է գործունեության արդյունքները,
 - 3) քննում է հարցեր՝ ներկայացված Ուսանողական խորհրդի, Քոլեջի ուսանողների 1/3-ի, Քոլեջի ղեկավարության կողմից,
 - 4) ընտրում է և պարտականությունների կատարումից ազատում է Ուսանողական խորհրդի անդամներին,
 - 5) ընտրում է և պարտականությունների կատարումից ազատում է Հաշվիչ հանձնաժողովի անդամներին,
 - 6) ընտրում է Քոլեջի կառավարման խորհրդում ուսանողության ներկայացուցիչների եկնածուներին,
 - 7) սույն կանոնադրությամբ նախատեսված դեպքերում և կարգով՝ ընդունում է որոշումներ,
13. Ընդհանուր ժողովը գումարվում է տարին մեկ պարբերականությամբ, ինչպես նաև սույն կանոնադրության 12-րդ կետի 3-րդ ենթակետում նշված դեպքերում:

IV. ՈՒՍԱՆՈՂԱԿԱՆ ԽՈՐՀՐԴԻ ԿԱՌՈՒՑՎԱԾՔԸ ԵՎ ԳՈՐԾՈՒՆԵՈՒԹՅՈՒՆԸ

14. Ուսանողական խորհուրդն իր գործունեությունը կառուցում է՝ ելնելով սույն կանոնադրությամբ սահմանված նպատակներից և խնդիրներից:
15. Ուսանողական խորհուրդը գործում է նիստերի և միջոցառումների միջոցով:
16. Ուսանողական խորհուրդն ընդունում է իր Գործունեության ներքին կարգապահական կանոնները:
17. Ուսանողական խորհուրդը կազմված է նվազագույնը 7 և առավելագույնը 15 անդամից:

18. Ուսանողական խորհուրդն առաջարկություններ է ներկայացնում Ընդհանուր ժողովին իր գործունեության հիմնական ուղղությունների վերաբերյալ:
20. Ուսանողական խորհրդի գործունեությունը ղեկավարում է Ուսանողական խորհրդի նախագահը:
21. Նախագահը՝
 - 1) հանդես է գալիս Ուսանողական խորհրդի անունից,
 - 2) կատարում է Ուսանողական խորհրդի աշխատանքների կազմակերպումը և ղեկավարումը,
 - 3) կատարում է Ուսանողական խորհրդի աշխատանքների բաշխումն անդամների միջև՝ վերջիններիս համաձայնությամբ,
 - 4) Ուսանողական խորհրդի հաստատմանն է ներկայացնում Ուսանողական խորհրդի տարեկան աշխատանքային պլանը՝ կազմված Ընդհանուր ժողովի կողմից սահմանված գործունեության ուղղությունների հիման վրա:
 - 5) վարում է Ուսանողական խորհրդի նիստերը և ապահովում է արձանագրությունների կազմումը և հրապարակումը,
 - 6) ապահովում է Ընդհանուր ժողովի, Ուսանողական խորհրդի, Հաշվիչ հանձնաժողովի գործունեությանը վերաբերող փաստաթղթերի պահպանումը,
 - 7) Ուսանողական խորհրդի անդամների նկատմամբ նշանակում է կարգապահական տույժեր, /զգուշացում, նկատողություն, գործունեության կասեցում և պարտականությունների կատարումից ազատելու առաջարկության ներկայացում Ընդհանուր ժողովին, երկու ամիս արանքները/
 - 8) կազմում և Ընդհանուր ժողովին է ներկայացնում Ուսանողական խորհրդի գործունեության մասին հաշվետվություններ տարեկան, ինչպես նաև Ընդհանուր ժողովի պահանջով:
 - 9) իրականացնում է Ընդհանուր ժողովների կազմակերպումը, օրակարգի ձևավորումը, վարումը և ապահովում է արձանագրությունների կազմումը և հրապարակումը,
 - 10) կատարում է Ուսանողական խորհրդի կառուցվածքում ձևավորված ստորաբաժանումների գործունեության ընդհանուր համակարգումը,
 - 11) պատասխանատու է Ուսանողական խորհրդին ամրացված կամ օգտագործման հանձնված գույքի պահպանության նկատմամբ:
 - 12) իրականացվում է սույն կանոնադրության նպատակներից և խնդիրներից բխող այլ գործառույթներ:
22. Նախագահի տեղակալը՝
 - 1) գործում է նախագահից պատվիրակված լիազորությունների ուժով և համակարգում է աշխատանքներն իրեն հանձնարարված բնագավառներում,
 - 2) Նախագահի ժամանակավոր բացակայության դեպքում՝ փոխարինում է նրան և իրականացնում է նախագահին վերապահված գործառույթները,
 - 3) Նախագահի կողմից իր պարտականությունների կատարման անհնարինության դեպքում՝ իրականացնում է նախագահին վերապահված գործառույթները՝ մինչև նոր ընտրությունների անցկացումը:
 9. Գործունեության ծավալներով պայմանավորված՝ Ուսանողական խորհրդն իր կառուցվածքում կարող է նախագահին վերապահված գործառույթները (հանձնաժողով, աշխատանքային խումբ, ակումբ և այլն) սահմանելով դրանց գործունեության բնագավառները և շրջանակները, և լուծարել դրանք:
3. Ստորաբաժանումները՝
 - 1) իրականացնում են Ուսանողական խորհրդի կողմից սահմանված գործունեություն, կազմում և Ընդհանուր ժողովին են ներկայացնում իրենց գործունեության մասին հաշվետվություններ՝ տարեկան, ինչպես նաև Ընդհանուր ժողովի պահանջով,

Այսուհետ՝ նախագահ:

24. Յուրաքանչյուր ստորաբաժանման աշխատանքներում կարող է ներգրավվել Քոլեջի ցանկացած ուսանող:
25. Ստորաբաժանումների աշխատանքներում պարտադիր ներգրավված է Ուսանողական խորհրդի առնվազն մեկ անդամ, ով համակարգում է ստորաբաժանումների աշխատանքները:
26. Ստորաբաժանումների գործունեությունը կազմակերպվում է՝ համաձայն Ուսանողական խորհրդի նեքին կարգապահական կանոնների:

V. ԸՆԴՀԱՆՈՒՐ ԺՈՂՈՎՆԵՐԻ ԵՎ ՌԻՍԱՆՈՂԱԿԱՆ ԽՈՐՀՐԴԻ ՆԻՍՏԵՐԻ ԿԱԶՄԱԿԵՐՄՈՒՄԸ ԵՎ ԱՆՑԿԱՑՈՒՄԸ

28. Ուսանողական խորհրդի նիստերն անցկացվում են երկու ամիսը մեկ անգամ:
29. Ուսանողական խորհրդի անդամների անմիջական մասնակցությամբ անցկացնելու անհնարինության դեպքում՝ Ուսանողական խորհրդի նիստերը կարող են անցկացվել նաև առցանց եղանակով՝ բացառությամբ Ուսանողական խորհրդի նախագահի ընտրությունների:
30. Ուսանողական խորհրդի նիստում կարող է քննարկվել ուսանողների շահերին վերաբերող և սույն կանոնադրությամբ Ուսանողական խորհրդի իրավասությանը վերապահված ցանկացած հարց:
31. Ուսանողական խորհրդի նիստը հրավիրում և վարում է նախագահը:
32. Ուսանողական խորհրդի նիստերը դոնբաց են: Դոնփակ նիստեր կամ առանձին հարցերի դոնփակ քննարկումներ կարող են անցկացվել՝ նիստին ներկա անդամների ձայների 3/2-ի որոշմամբ:
33. Ուսանողական խորհրդի հերթական նիստի մասին հայտարարությունը հրապարակվում է նիստի անցկացման օրվանից առնվազն 15 օր առաջ: Հայտարարության մեջ նշվում է նիստի անցկացման օրը, ժամը, վայրը և առաջարկվում է 10-օրյա ժամկետում հարցեր ներկայացնել՝ նիստի օրակարգում ներառելու համար:
34. Ուսանողական խորհրդի նիստի օրակարգի նախագիծը ձևավորում է Նախագահը՝ Ուսանողական խորհրդի անդամների, Քոլեջի ուսանողների, նրանց ծնողների, Քոլեջի ղեկավարության, դասախոսների և այլ աշխատակիցների, շրջանավարտների, լայն հանրության ներկայացուցիչների կողմից նախագահին գրավոր հարցերից ներկայացրած նիստի մասին հայտարարությունը հրապարակելուց հետո 10-օրյա ժամկետում: Հարցի հեղինակը ներկայացնում է հարցի վերաբերյալ նյութեր՝ առկայության դեպքում, և նշում է իր առաջադրած հարցի քննարկումը դոնբաց կամ դոնփակ քննարկելու նախապատվության մասին:
35. Ուսանողական խորհրդի նիստի անցկացման օրվանից 5 օր առաջ՝ Նախագահը հրապարակում է նիստի օրակարգի նախագիծը՝ նշելով նիստի անցկացման օրը, ժամը, վայրը: Հայտարարությունում նշվում է օրակարգի հարցերի վերաբերյալ նյութերի և դրանք ստանալու հնարավորության մասին (առկայության դեպքում):
36. Ուսանողական խորհրդին տրամադրված՝ նիստի հետ կապված նյութերը, եթե դրանք քննարկվելու են դոնբաց, պետք է ըստ պահանջի տրամադրվեն ցանկացած անձի:
37. Ուսանողական խորհրդի որոշմամբ՝ նիստին կարող են մասնակցել հրավիրյալ անձինք:
38. Նախագահը Ուսանողական խորհրդի նիստի մասին հատուկ իրազեկում է Ուսանողական խորհրդի անդամներին, նիստի օրակարգի նախագծում ներառված հարցերի հեղինակներին և հրավիրյալներին:
39. Ուսանողական խորհրդի նիստի օրակարգը հաստատվում է նիստին՝ Ուսանողական խորհրդի որոշմամբ:
40. Ուսանողական խորհրդի նիստն իրավազոր է, եթե նիստին ներկա է Ուսանողական խորհրդի անդամների թվի կեսից ավելին: Եթե կես ժամվա ընթացքում չի ապահովվում նիստի իրավազորությունը, ապա նիստի չկայացման մասին կազմվում է արձանագրություն, որը ստորագրում են նիստին ներկայացած անդամները:
41. Ուսանողական խորհրդի որոշումներն ընդունվում են բաց քվեարկությամբ և նիստին ներկա անդամների ձայների մեծամասնությամբ: Հավասար ձայների դեպքում՝ որոշիչ է Նախագահի ձայնը:
42. Ուսանողական խորհրդի որոշման մեջ նշվում են որոշմանը կողմ, դեմ և ձեռնպահ քվեարկած անդամների ազգանունները:
43. Ուսանողական խորհրդի նիստը շարունակվում է մինչև օրակարգի սպառումը: Նիստին ներկա Ուսանողական խորհրդի անդամների որոշմամբ՝ նիստը կարող է ընդհատվել: Նիստին ներկա Ուսանողական խորհրդի

անդամների որոշմամբ՝ նիստը կարող է տեղափոխվել կամ առանձին հարցերի քննարկումը կարող է հետաձգվել՝ երբայն նիստը շարունակելու անհնարինության դեպքերում:

4. Ուսանողական խորհրդի նիստերն արձանագրվում են: Նիստերի արձանագրություններն ստորագրում են նիստին ներկա Ուսանողական խորհրդի անդամները:

5. Ուսանողական խորհրդի նիստի արձանագրությունը հրապարակվում է 3-օրյա ժամկետում:

7. Ուսանողական խորհրդի նիստի մասին և արձանագրության հրապարակումն իրականացվում է Քոլեջում ույտարարությունների համար հասկացված տեղում փակցնելու, իսկ առցանց նիստերի դեպքում՝ նաև Քոլեջի գաշտոնական համացանցային կայքում և սոցիալական էջում հրապարակելու միջոցով:

8. Ուսանողական խորհրդի արտահերթ նիստ կարող է հրավիրվել Ուսանողական խորհրդի անդամների, Քոլեջի ուսանողների, նրանց ծնողների, Քոլեջի ղեկավարության, դասախոսների և այլ աշխատակիցների պահանջով:

9. Ուսանողական խորհրդի արտահերթ նիստը կայանում է հրավիրողի օրակարգի նախագծով: Հրավիրողը արտահերթ նիստի հայտը ներկայացնելիս՝ նախագահին փոխանցում է նիստի հետ կապված անհրաժեշտ պայմանները առկայության դեպքում:

10. Նախագահը հրապարակում է Ուսանողական խորհրդի արտահերթ նիստի օրակարգի նախագիծը՝ հայտն արտահայտուց հետո 1-օրյա ժամկետում:

11. Ուսանողական խորհրդի արտահերթ նիստը կայանում է հայտը ներկայացնելուց հետո 3-օրյա ժամկետում:

12. Ուսանողական խորհրդի արտահերթ նիստի մասին իրազեկումը և անցկացումն իրականացվում են հերթական նիստի համար սույն կանոնադրությամբ սահմանված կարգով՝ հաշվի առնելով 46, 47, 48, 49 հոդվածների առանձնահատկությունները:

13. Ընդհանուր ժողովի օրակարգի նախագիծը ձևավորում է Ուսանողական խորհուրդը:

14. Ընդհանուր ժողովն իրավագոր է, եթե ժողովին ներկա է Քոլեջի ուսանողության թվի կեսից ավելին: Եթե կես ժամկա ընթացքում չի ապահովվում ժողովի իրավագորությունը, ապա ժողովի չկայացման մասին կազմվում է արձանագրություն, որը ստորագրում են Նախագահը և Հաշվիչ հանձնաժողովը:

15. Ուսանողական խորհրդի անդամի ընտրություններն անցկացվում են գաղտնի քվեարկությամբ: Ընդհանուր ժողովի այլ որոշումներ ընդունվում են բաց քվեարկությամբ:

16. Ընդհանուր ժողովի մասին իրազեկումը և անցկացումն իրականացվում են Ուսանողական խորհրդի նիստի համար սույն կանոնադրությամբ սահմանված կարգով՝ հաշվի առնելով 53, 54, 55 հոդվածների առանձնահատկությունները:

VI. ՀԱՇՎԻՉ ՀԱՆՁՆԱԺՈՂՈՎ

17. Ընդհանուր ժողովի քվեարկությունները կազմակերպում է Հաշվիչ հանձնաժողովը:

18. Հաշվիչ հանձնաժողովը կազմված է 6 անդամից: Հաշվիչ հանձնաժողովի անդամներն ընդրվում են Ընդհանուր ժողովի կողմից ժողովին ներկա ուսանողների կազմից՝ բաց քվեարկությամբ:

19. Հաշվիչ հանձնաժողովի անդամների միջև գործառույթները բաշխվում են փոխհամաձայնությամբ:

20. Հաշվիչ հանձնաժողովի անդամներն իրենց ստորագրությամբ հաստատում են Ընդհանուր ժողովի արձանագրությունները:

VII. ԸՆԴՀԱՆՈՒՐ ԺՈՂՈՎԻ ԿԱԶՄԱԿԵՐՊՈՒՄԸ ԵՎ ԱՆՑԿԱՑՈՒՄԸ

21. Քոլեջի կառավարման խորհրդի կազմում ուսանողության ներկայացուցիչների թեկնածուների ընտրություններն անցկացվում են ընդհանուր, հավասար, ազատ և ուղղակի ընտրական իրավունքի հիման վրա՝ առաջադրմամբ:

62. Ուսանողական խորհրդի անդամի թեկնածուների ընտրությունների ժամանակ քվեարկելու իրավունք ունի տվյալ Հնդհանուր ժողովին ներկա Քոլեջի ուսանող հանդիսացող յուրաքանչյուր անձ:

63. Ընտրություններն անցկացվում են ազատության և կամավորության սկզբունքների հիման վրա: Ոչ ոք իրավունք չունի պարտադրելու ուսանողին քվեարկելու որևէ թեկնածուի օգտին կամ դեմ, ինչպես նաև հարկադրելու մասնակցելու կամ չմասնակցելու ընտրություններին:

64. Ուսանողական խորհրդի անդամի թեկնածուների ընտրությունն անցկացվում է ընդհանուր, հավասար, ազատ և ուղղակի ընտրական իրավունքի հիման վրա՝ գաղտնի քվեարկությամբ: Քվեարկության գաղտնիությունը ոչ միայն իրավունք է, այլև պարտականություն: Ընտրության գաղտնիությունը խախտած ուսանողին արգելվում է քվեարկել, և նա հեռացվում է ընտրություններից:

65. Ընտրությունները նախապատրաստվում և անցկացվում են հրապարակայնորեն:

66. Ընտրություններին մասնակցող թեկնածուները կարող են ներկայացնել իրենց նախընտրական ծրագրերը Ուսանողական խորհրդին՝ Քոլեջի պաշտոնական համացանցային կայքում և սոցիալական էջում տեղադրելու համար: Ուսանողական խորհուրդն այդ ծրագրերը տեղադրում է ներկայացվելուց հետո 1-օրյա ժամկետում:

67. Ընտրությունների անցկացման օրվանից 15 օր առաջ՝ Ուսանողական խորհուրդը հրապարակում է ընտրությունների մասին հարց պարունակող հայտարարությունը՝ նշելով անցկացման օրը, վայրը, ժամանակը:

68. Ընտրությունների անցկացման օրն Ուսանողական խորհուրդն ապահովում է ընտրությունների տեխնիկական նախապատրաստումը և ավարտում է նախապատրաստական աշխատանքներն ընտրության անցկացումից առնվազն 1 ժամ առաջ:

1) ընտրության վայրում տեղադրում է 3 քվեասեղան՝ իրարից 3 մետր հեռավորությամբ,

1) քվեասեղաններին դրնում է 2-ական նույն գրիչներից,

1) ապահովում է 3 արկղ,

1) ապահովում է A4 ձևաչափի սպիտակ թղթեր,

1) ապահովում է համակարգչային տեխնիկա և տպիչ սարքեր՝ քվեաթերթիկների տպագրության համար:

69. Ընտրական հանձնաժողովի անդամների գործառույթների բաշխումն ընտրության անցկացման ժամանակ.

70. Ընտրություններն իրականացվում են հետևյալ կարգով՝

1) Նախագահի հրահանգավորմամբ՝ Ընտրության մասնակից ուսանողներն առանձնացվում են խմբերով:

1) Ընտրական հանձնաժողովի 1-ին և 2-րդ անդամները միասին հաշվում են ընտրության մասնակիցների թվաքանակը՝ ըստ խմբերի: 1-ին և 2-րդ անդամները յուրաքանչյուրն առանձին, կատարում են հաշվարկը, գրառում են թվերը: Յուրաքանչյուր խումբը հաշվելուց հետո՝ համեմատում են գրառումները՝ ստուգելու համար թվերի ճշգրտությունը: Ընտրողների վերջնական թվաքանակը հայտնում են 3-րդ անդամին:

1) Ընտրողները բարձրաձայն առաջադրում են թեկնածուների: Առաջադրման քանակը սահմանափակ չէ:

1) Ընտրական հանձնաժողովի 3-րդ անդամը մուտքագում է առաջադրված թեկնածուների անունները սահմանված ձևի քվեաթերթիկների մեջ, որից հետո տպում է քվեաթերթիկները ընտրության մասնակիցների քանակության համապատասխան:

1) Ընտրական հանձնաժողովի 4-րդ անդամն իրականացնում է տպած քվեաթերթիկների հաշվարկը և բաշխումը երեք մասի, որից հետո հանձնում է դրանք քվեասեղանների մոտ կանգնած Ընտրական հանձնաժողովի 5-րդ, 6-րդ, 7-րդ անդամներին, որոնք լուր կանգնած են քվեասեղանից 2 մետր հեռավորության վրա՝ մեջքով քվեասեղանին և դեմքով մոտեցող ընտրողին:

1) Ընտրական հանձնաժողովի 5-րդ, 6-րդ, 7-րդ անդամները տալիս են մեկական քվեաթերթիկ քվեասեղանին մոտեցող ընտրողներին:

Վերականգնողական հանձնաժողովի 1-ին, 2-րդ, 4-րդ անդամներն իրականացնում են սահմանված կարգին ընտրության ընթացքի համապատասխանության վերահսկողություն հետևելով հեռավորության վրա և ըստ անհրաժեշտության հիշեցնելով ընտրողներին ընտրության կարգը:

- ՝ Նախագահը իրականացնում է Հանձնաժողովի անդամների բոլոր գործողությունների հրահանգավորումները:
- ՝ ընտրության ողջ ընթացքում Նախագահը ընտրողներին տեղեկացնում է ընտրական բոլոր գործողությունների մասին:

71.

51. Հաշվիչ հանձնաժողովի կողմից ձայների հաշվարկը կատարվում է քվեարկության դրված յուրաքանչյուր շարքի համար առանձին:

51. Պահանջի խախտմամբ լրացված քվեարկության քվեաթերթիկները համարվում են անվավեր, և դրանցում առկա հարցերի վերաբերյալ ձայները չեն հաշվվում:

51. Քվեարկության արդյունքների արձանագրությունները ընդհանուր ժողովի արձանագրությունների անբաժանելի մասն են:

51. Ընդհանուր ժողովի ընդունած որոշումները և քվեարկության արդյունքները հայտարարվում են:

61. Հաշվիչ հանձնաժողովի անդամներն ստորագրվում են քվեարկության արդյունքների հիման վրա կազմված արձանագրությունները: Քվեարկության արդյունքների արձանագրությունները կազմվում են Ընդհանուր ժողովի աշխատանքների ավարտից հետո 3-օրյա ժամկետում:

61. Ընդհանուր ժողովի մասնակից ցանկացած ուսանող իրավունք ունի ներկա գտնվելու քվեաթերթիկների միջոցով իրականացված քվեարկության արդյունքների հաշվարկին և քվեարկության արդյունքների վերաբերյալ արձանագրություն կազմելուն, ինչպես նաև հատուկ կարծիք ավելացնել սույն արձանագրության մեջ:

VII. ՈՒՍԱՆՈՂԱԿԱՆ ԽՈՐՀՐԴԻ ԱՆԴԱՄԱԿՑԵԼԸ

- 11. Ուսանողական խորհուրդը ձևավորվում է ուղղակի ընտրությունների սկզբունքով:
- 11. Ուսանողական խորհրդի անդամ կարող է լինել Քոլեջի յուրաքանչյուր ուսանող:

VIII. ՈՒՍԱՆՈՂԱԿԱՆ ԽՈՐՀՐԴԻ ԳՈՒՅՔԸ

37. Ուսանողական խորհրդի գույքը ձևավորվում է ՀՀ օրենսդրությամբ սահմանված կարգով՝ Քոլեջի կողմից Ուսանողական խորհրդի օգտագործմանը հանձնված (ամրացված) և այլ աղբյուրներից ձեռքբերված գույքից:

38. Քոլեջի կողմից հանձնվող գույքի կազմը և չափը որոշում է Քոլեջը:

40. Ուսանողական խորհրդի կարիքների համար գնումները կատարվում են «Գնումների մասին» օրենքով սահմանված կարգով: Գնումների գործընթացը համակարգում է Քոլեջը: